

ত্ৰিপুৰা হাফাঙ
ককথুম তেই হুকুম দাগিখুঙ

স-২০৫৭

আগৰতলা, ১ আগষ্ট, ২০২৫

হুকুৱাৰ খীলায়নাইৰগনি আজিমুঙ বাথৰিনানি আংখা হাসতেনি
তাবুকনি হাফাঙনি নাহাৰমুঙ : হুকুৱাৰ মন্ত্ৰি

হুকুৱাৰ খীলায়নাইৰগনি আজিমুঙ বাথৰিনানি' আংখা হাসতেনি তাবুকনি হাফাঙনি নাহাৰমুঙ। আব'নি বাৰ্গাই জুদা জুদা য়াপিৰি ৰমজাকখা। হুকুৱাৰ খীলায়নাইৰগনি' আংখা চাঙন' চামুঙ ৰিনাই। বৰগনি তঙহালক হামকীৰাই আংখাই হাসতে হাইয়াখেবা হাকতৰ সীকাঙগাই থাংনাই। থাংনাই ৩১ জুলাইঅ মোহনপুৰ ৰুকনি ঈশানপুৰ পঞ্চায়েতনি বিসিংগ' খবজাক নন্দলাল দাস পাড়াঅ শ্ৰী ৰাইদাতীই হাইৰিড মায় বৰনানি চেঙগাই অ কক সাখা হুকুৱাৰ নাইখুঙনি মন্ত্ৰি ৰতনলাল নাথ। ব' সাখা, নৱেন্দ্ৰ মোদি হাকতৰনি মন্ত্ৰি বখ'ৰকনি বাৰজা নাহাৰমানি সিমিন' হুকুৱাৰ খীলায়নাইৰগনি তঙহালকনি হামকীৰাইনি ফাইসিংগ' নাইকলজাগাই তঙগ'। হুকুৱাৰ খীলায়নাইৰগনি হামকীৰাইঅ জুদা জুদা তাঙবীতাং য়াপিৰি ৰমজাকখা। হায়ুঙগ' তাবুক ভাৰত মাইৰুঙ তিখীলায় থানিঅ উলসা আচুকথায়' তঙগ'। মাইৰুঙ ৰহৰথানিঅ তঙগ' পুইলা আচুকথায়'। ব' সাখা, ত্ৰিপুৰাঅব' হুকুৱাৰ খীলায়নাইৰগনি বাৰ্গাই কীবাংমা তাঙবীতাং ৰমজাকখা। মায় খীলায়নাইৰগনি লেখামুঙন' তিসাউই হুকুৱাৰ নাইখুঙনি মন্ত্ৰি সাখা, বিসিঅ হাসতেনি ১৫ ৰাসায় কানি হাঅ মায় খীলায়জাগ'। আবনি বিসিংগ' ৮৭ সায় কানি হাঅ আউস মায় খীলায়জাগ'। ৯ ৰাসায় ১৮ সায় কানি হাঅ আমন মায় খীলায়জাগ'। ৩ ৰাসায় ৯৪ সায় কানি হাঅ বোৰো মায় খীলায়জাকখা। আবন' কাৰীই ৮৫ সায় কানি হাঅ হুকু খীলায়জাগ'। ব সাখা, হাসতেনি কায় ৫৮ ৰুকনি বিসিংগ' অ জৱাঅ কায় ৩০ ৰুক চামুঙগ' বাইথাঙ বাঁচাজাক। কায় ৮ হাঙকৰনি বিসিংগ' কায় ৩ হাঙকৰ চামুঙগ' বাইথাঙ বাঁচাজাক। হাসতেঅ মায় থায়মানি বাথৰিনানি নাহাৰমুঙগ' শ্ৰী ৰাইদান' মায় খীলায়থানি সামুঙগ' ফীনাঙনানি বাৰ্গাই ফান বকসিনজাকখা। হুকুৱাৰ খীলায়নাইৰগ শ্ৰী ৰাইদাতীই মায় খীলায়খে কানিঅ ৮০ কেজিনি কীবাং মায় থায়ৰিউই মাননাই। শ্ৰী ৰাইদাতীই মায় খীলায়নানিঅ মুচুঙমুঙ বাথৰিনানি বাৰ্গাই হুকুৱাৰ নাইখুঙনি মন্ত্ৰি হুকুৱাৰ খীলায়নাইৰগনি ফাইসিংগ' কক কীচাৰখা।

মায় বৰমানি সামুঙবীতাংগ' হুকুৱাৰ নাইখুঙনি মন্ত্ৰি ৰতনলাল নাথ সাকবাইথাঙ মানজাগাইখা। বন' কাৰীইব' অ সামুঙবীতাংগ' মানজাগাই মায় বৰখা মোহনপুৰ পঞ্চায়েত সমিতিনি আচুকফাঙ ৰাকেশ দেব, আচুকফাঙ য়াকচু সঞ্জীৱ কুমাৰ দাস, মোহনপুৰ দলি ককচাপনকনি ভাইস চেয়াৰপাৰ্সন শংকৰ দেব, হুকুৱাৰ তেই হুকুৱাৰ খীলায়নাই হামকীৰাই নাইখুঙনি দাগিফাঙ ড. ফনীভূষণ জমাতিয়া আক'সঙ।
